

Տ. ՄԻՔԱՅԵԼ ՔԱՆԱՆԱ ՇԱՂՈՅԱՆԻ ԱՆԴՐԱՆԻԿ ՔԱՐՈԶԸ՝ ԽՈՍՎԱԾ Ս. ԳԱՅԱՆԵ ԵԿԵՂԵՑՈՒՄ

(23 դեկտեմբերի 2001 թ.)

«Յանուն Հօր եւ Որդոյ եւ Հոգւոյն Սրբոյ. ամէն»:

Սիրելի հավատացյալ քույրեր և եղբայրներ,

Աստուծո ռոբորմությամբ և Վեհափառ Հայրապետի բարձր կարգադրությամբ, ձեռամբ Հունահայոց թեմի առաջնորդ Տ. Ոսկան արքեպս. Գալիաքյանի, քառասուն օրեր առաջ Միաձնաէջ խնկյալ Տաճարի սրբազան կամարների ներքո իմ հոգևոր երկու եղբայրների հետ միասին սրացա քահանայական օծում: Ընդունելով Քրիստոսի ծանր և քաղցր լուծը՝ լծվեցի մի վեհ գործի, այն է՝ անմնացորդ կերպով ծառայել հայ ժողովրդին և Հայ Եկեղեցուն:

Այն օրվանից, երբ Գրիգոր Լուսավորիչը հայ ժողովրդին Արածանիի ջրերում մկրտեց Քրիստոսի խաղաղության լույսով, մեր ժողովուրդը մինչև այսօր հավատարիմ մնաց կենդանաչարչար մահատակի պատվիրանին, որին հետևելով է, որ ես՝ համեստ սպասավորս Հայ Առաքելական Ս. Եկեղեցու, ի լրումն այս քառասուն օրերի, մեր հայրերի աստվածաշնորհ տնօրինությամբ, այսօր իմ քահանայական անդրանիկ ուխտի Պատարագն եմ մատուցում այս Սուրբ Տաճարում՝ առ Աստված կանչելով. «Զքոյս ի քոյոց քեզ մատուցանեմք»:

Այսօր իմ ձեռքերն ու աչքերը վեր են բարձրանում առ Աստված, և գոհություն ու փառք եմ մատուցում մեր Տիրոջը, որ Իր անսահման գթասրտությամբ և առատ ու ռոբորմությամբ ինձ արժանի դարձրեց Իր Ս. Մեղանի սպասավորը լինելու:

Խորհրդավոր այս պահին որդիական ու մկիրական իմ պարտքն եմ համարում շնորհակալության և երախտագիտության խոսք ուղղել Ն. Ս. Օ. Տ. Տ. Գարեգին Բ Ամենայն Հայոց Կաթողիկոսին, որ արժանի գտավ ինձ կոչելու քահանայության իմ երկու ընկերների հետ՝ մկիրվելու մեր Եկեղեցու և ժողովրդի ծառայության սուրբ գործին:

Յանկանում եմ շնորհակալություն հայտնել հոգևոր ծնողիս՝ Տ. Ոսկան արքեպս. Գալիաքյանին, որ իր հայրական աջով և Սուրբ Մյուռնով մեզ մոր՝ հոգևոր ծնունդ և կյանք պարգևեց:

Ավելի քան ութ տարիներ ես սնվեցի, աճեցի և դաստիարակվեցի Ս. Էջմիածնի հոգեպարար մթնոլորտում, որի համար իմ երախտագիտությունն եմ հայտնում Ս. Էջմիածնի միաբանությանը, բոլոր այն ազնիվ հոգիներին, որոնք անցած տարիներին ընթացքում նպաստեցին իմ հոգևոր ու մտավոր դաստիարակության գործին:

Խորին երախտագիտություն և շնորհակալություն Ս. Էջմիածնի Գևորգյան Հոգևոր Դեմարանի նախկին և ներկայիս տեսչությանը, ինչպես նաև դասախոսական

կազմին, որ իրենց անդուլ և նվիրական աշխատանքով իրենց նպաստը բերեցին իմ՝ որսպես հոգևորականի հոգեկերտման և զարգացման գործում:

Իմ շնորհակալությունը մահ Ս. Գայանե վանքի վանահայր Տ. Ներսեսի արդ. Խալաթյանին ու հոգևոր դասին, որ սիրով ընդառաջեցին փափագիս՝ անդրանիկ և ուխտի Պատարագս մատուցելու այս սուրբ կամարների ներքո:

Ինչպես մահ իմ խորին շնորհակալությունը ձեզ, սիրելի հավատացյալներ, որ այսօր այստեղ եք և ձեր աղոթքներն եք առաքում առ Աստված և աղոթակից լինում ինձ՝ իմ անդրանիկ Պատարագի ընթացքին:

Ահավասիկ մի ծանր, բայց միաժամանակ քաղցր պարտականություն է դրվում մեր ուսերին: Յուրաքանչյուրս երբ լծվում ենք մի գործի, պետք է քաջ գիտակցենք, որ այդ գործի հաջողությունն ու փառավորումը մեզանից պահանջում է ամենից առաջ նվիրում: Նվիրվածությամբ է, որ կարող ենք արդյունքի հասնել: Այն անձը, ով իր ծառայությունը չի սիրում, չի կարող հաջողություն ունենալ: Ուրեմն, նվիրվածությունը յուրաքանչյուր գործում մեծագույն գրավականն է այդ գործի հաջողության: Նույնքան կարևոր է ծառայության ոգին: Իր գործին նվիրված մարդը անպայմանորեն ծառայասեր կլինի: Ծառայությունը ուրիշ բան չէ, եթե ոչ Աստծո փառքի ի հայտ բերումը մեր անձերի միջից և, ինչպես Ս. Իրենիոս Հայրապետն է ասում՝ Աստծո փառքը կենդանի մարդն է: Ուրեմն նվիրաբերում, ծառայություն և վկայություն, երեք կարևոր զենքեր այսօրվա յուրաքանչյուր հավատավոր անհատի համար:

Միքելի հավատացյալներ, աղոթեցեք մեզ համար, որ մենք արժանի սպասավորները լինենք մեր Եկեղեցու, արժանի լինենք մեր անարժան գլուխները դնելու մի գոհասեղանի վրա, որը սրբագործվել է մեր լուսապսակյալ նահատակ նախահայրերի արյունով:

Շարունակելով խոսքս, ցանկանում եմ անդրադառնալ այսօրվա Պատարագին ընթերցված Դուկասի Ավետարանի ԺԸ 13-ում առկա՝ փարիսեցու և մաքսավորի առակին, որից իբրև բնաբան վերցրել ենք «Աստուած, քառեա՛ զիս՝ զմեղատուս» (Աստված, ներիր ինձ՝ մեղավորիս) խոսքերը:

Հիսուս Բրիստոս մի առակ պատմեց, որով ցանկացավ խրատել և հանդիմանել բոլոր նրանց, ովքեր պարծենում են և իրենցից բացի բոլորին անարգում և անարժան համարում:

Առակն ընթերցելիս առաջին հայացքից թվում է, թե Աստված գոհ պիտի լիներ օրինապահ փարիսեցուց և երես պիտի դարձներ գողացող մաքսավորից: Սակայն այլ կերպ է մեկնաբանում Հիսուս առակը և ասում, որ Աստծո առաջ մաքսավորն արդարացավ և, թողություն ստանալով, դուրս եկավ տաճարից՝ ներված և սրբված, իսկ փարիսեցին ոչ միայն չսրբվեց, այլև կրկնակի մեղք վերցրեց իր վրա և տաճարից դուրս եկավ ավելի մեղավոր դարձած:

Այստեղ շեշտը պետք է դնենք աղոթքի բովանդակության վրա, աղոթքում հայտնված հոգու դրսևորման մեջ: Փարիսեցին պարծենում էր իր արդարությամբ, պարծենում էր իր բարեպաշտությամբ և բարերարությամբ, որովհետև տասանորդ էր տալիս, սակայն այս բոլորով հանդերձ, ինքն իր մեջ սեր չուներ: Առանց սիրո թե՛

բարեպաշտությունը և թե՛ բարերարությունը ունայն են: Այդ սիրտ չգոյություն պատճառով փարիսեցին իր հոգում սպանեց իր կողքին կանգնած և արտասովալից աղոթող մաքսավորին: Սա եղբայրասպանություն էր: Եթե նա սեր ունենար, խիղճ և սրտացավություն ունենար, ապա իր կեղծ բարեպաշտությամբ չէր հանդիմանի մաքսավորին:

Սիրելի բաերապաշտ ժողովուրդ, այս առակում հիշվում են երկու անձեր՝ երկու իրարամերժ նկարագրերով: Քրիստոս այս առակով ցույց է տալիս աղոթքի հոգին և էությունը: Մեզանից պահանջվում է, որ աղոթքներում մենք զուսպ լինենք, զգուշանանք մեր անձերը արդար նկատելուց: Մաքսավորը վերադարձավ արդարացած և ներված, իսկ փարիսեցին՝ ոչ, որովհետև վստահ էր, թե ինքն արդար է և չէր ակնկալում Աստծո ողորմությունը, որը մարդ ստանում է՝ ի պատասխան հավատո և արտասովալից աղոթքի: Որովհետև Աստված չի նայում աղոթողի ոչ պաշտոնին, ոչ աստիճանին և ոչ էլ աղոթքի երկարությանը, այլ նայում է աղոթողի սրտին: Հաճախ աղոթեցեք, սիրելի հավատացյալներ, և դրանով իսկ կմխիթարվեք, որովհետև ոչ մի բան չի կարող համեմատության մեջ դրվել այն հոգեպարար երանության հետ, որը տալիս է մեզ աղոթքը: Անկեղծ աղոթքը մարդու սրտի և հոգու վերացումն է դեպի Աստված, Աստծո հետ ներքին զրույցը, ինչպես ասում է Նարեկացին՝ «Խ խորոց սրտի խօսք ընդ Աստուծոյ», այսինքն՝ սրտի խորքերից խոսք Աստծո հետ:

Սիրելի հավատացյալներ, մենք ևս միացնենք մեր աղոթքները այժմ առ Աստված ու մեկս մյուսին ցանկանք խաղաղություն: Այսօրվա Պատարագի խորհուրդը թող բոլորիս հոգիների և գիտակցության մեջ իրապես բարությամբ ապրելու ուժականությունը պարգևի, արդարությամբ հարաբերվելու մարդկանց հետ և միշտ ճշմարտությունը որոնելու ուժը պա մեզ: Առեք ձեզ հետ բարություն, արդարություն և ճշմարտություն, քարեք ձեր քնները, որպեսզի Հիսուս Քրիստոսով կյանք ունենաք ի փառս Ամենասուրբ Երրորդության այժմ և միշտ և հավիտյանս հավիտենից. ամեն: